



## Manifiesto con motivo do Día Internacional do Día pola Eliminación da Violencia Contra as Mulleres

25 de novembro de 2021

A violencia contra as mulleres é a máxima expresión da desigualdade de xénero no mundo, considerada así na IV Conferencia Mundial sobre a Muller (Pequín 1995) e cuxa erradicación é meta do Obxectivo de Desenvolvemento Sostible 5 na Axenda 2030: «Eliminar todas as formas de violencia contra todas as mulleres e as nenas nos ámbitos público e privado, incluídas a trata, a explotación sexual e outros tipos de explotación».

As universidades, como xeradoras e transmisoras de coñecemento e valores, e as súas unidades ou oficinas de igualdade, designadas legalmente como estruturas de apoio e integradas na Rede de Unidades de Igualdade de Xénero para a Excelencia Universitaria (RUIGEU), reiteramos o noso compromiso coa loita contra todo tipo de violencia sobre as mulleres.

Por iso, manifestamos que constitúe un dos nosos obxectivos prioritarios colaborar cos poderes públicos e a sociedade no seu conxunto para contribuír a eliminar calquera forma de violencia contra as mulleres que adquire maior crueldade a través da “violencia vicaria”: aquela exercida sobre os seres queridos, en especial fillas e fillos que son considerados un medio ou instrumento para causar a máxima dor. Este tipo de violencia considera ás e aos

menores como «un medio ou un instrumento para causar a máxima dor e sufrimento á nai», e son utilizados frecuentemente como un «método de ameaza».

Desde o ámbito universitario, as unidades de igualdade traballamos para a prevención da violencia contra as mulleres. O acoso sexual ou por razón de sexo na esfera laboral e académica, os abusos e agresións sexuais en contornas festivas, a violencia psicolóxica, punto de partida doutras violencias materiais, e todo tipo de discriminacións, directas ou indirectas, é obxecto do noso esforzo para a súa eliminación.

A política e cultura universitaria de tolerancia cero desenvólvese mediante os protocolos contra os diferentes tipos de acoso e violencias, os plans de igualdade, as campañas de sensibilización e concienciación, a formación de todo o colectivo universitario, a procura de novas accións e medios que atendan ás vítimas, a planificación de programas para cooperar e impulsar novas iniciativas, son a nosa maneira de contribuír á consecución da igualdade efectiva e á erradicación das formas de violencia nas nosas universidades e na sociedade á que servimos.

Mentres siga existindo esta dramática realidade, as universidades comprometémonos a que todos os días do ano sexan 25 de novembro.

**As universidades abaixo firmantes forman parte da Red de Unidades de Igualdad de Género de las Universidades Españolas para la Excelencia Universitaria.**

Universitat d'Alacant

Universidad de Alcalá

Universidad de Almería

Universitat Autònoma de Barcelona

Universidad Autónoma de Madrid

Universitat de Barcelona

Universidad de Burgos

Universidad de Cádiz

Universidad de Cantabria

Universidad Carlos III de Madrid

Universidad de Castilla La Mancha

Universidad Complutense de Madrid

Universidad de Córdoba

Universidade da Coruña  
Universidad de Deusto  
Universidad de Extremadura  
Universitat de Girona  
Universidad de Granada  
Universidad de Huelva  
Universitat de Lleida  
Universidad de Málaga  
Universidad Miguel Hernández de Elche  
Universidad de Murcia  
Universidad Nacional de Educación a  
Distancia (UNED)  
Universitat Oberta de Catalunya (UOC)  
Universidad de Oviedo  
Universidad Pablo de Olavide  
Universidad del País Vasco  
Universidad Politécnica de Cartagena  
Universitat Politècnica de Catalunya  
Universidad Politécnica de Madrid  
Universitat Politècnica de València  
Universitat Pompeu Fabra  
Universidad Pública de Navarra  
Universitat Ramon Llull  
Universidad Rey Juan Carlos  
Universitat Rovira i Virgili  
Universitat de les Illes Balears  
Universidad de Salamanca  
Universidad Internacional de Andalucía  
Universidade Santiago de Compostela  
Universidad de Jaén  
Universidad de Sevilla  
Universitat Jaume I  
Universitat de València  
Universidad de La Laguna

Universidad de Valladolid

Universidad de La Rioja

Universitat de Vic

Universitat Central de Catalunya

Universidad de Las Palmas de Gran Canaria

Universidade de Vigo

Universidad de León

Universidad de Zaragoza